



„Gæca, son boatta balvaiguim, ja juokke čalbme galgga su oaidnet, maidai si guđek læk su čadarettim.“

Nr. 17. 20ad jakkegerdde.

Korsfjordast 15ad september 1918.

Redaktør: Henr. Olsen.

Hærra gæidno læ buoremus.

„Oapat munji, Hærra, du gæinod!“ Ps. 86, 11.

David læi boattam dovddat atte dat gæidno, mi læi asatuvvum Hærrast, læi dat buoremus; dastgo dallego son vagjoli ječas gæino mielde, čagjadalai son hirmos lakai.

Dat læi okta aigge David cælemest, go son læi amas Hærra gæinoidi, dallego son vagjoli suddo govddis gæino alde. Dalle manai suina vuolasguvllui, gukkelidi ja gukkelidi erit Hærrast. Oaže duššadubme ja suddo fillitus læi doalvovomen su dam visses gadotussi — stuora illon sævdnjadasa famoidi, mutto morašen Hærrai ja su albmuigi.

Mutto likkolažat fuobmai David maggar hæjos dile sisa son læi boattam, manditi son algi lakkanet Hærrai, rokkadallat, dovddastet gattamušain su stuora suddo, vaimo čiegnales gattamušain. Ja son gavnai armo.

„Dastgo du arkalmastemvuotta læ stuores bagjel mu, ja don læk lonestam mu sielo olgus dam čiegnales jabmemrikast“.

Hærra gæidno læ buoremus vagjolet, dat doalvo ællemi, likkolaš dillai juo dabe dam olggoædnam dilest.

Jesus cælkka: „Mon læm gæidno, duottavuotta ja ælle“. Hærra i aigo duššefal čajetet ja oapatet suddolažaidi gæino, mutto son læ ješ gæidno, ælle gæidno buokaidi, gudek dattok čuovvat su čada dam vaives mailme.

Damditi cælkam mon dudnji, gutte ain læk vagjolæme suddo gæino alde, daga dal jorggalusa. Ikgo don duottavuodast oaine atte dat doalvo agalaš gadatussi atte ættet gukken erit Ibmelest. Suddo balkka læ jabmem.

Muite, rakis ustebam, atte Hærra aiggo oapatet dudnji ællemgæino, son aiggo laidet du čavggadet giedaines čada buok vaddoid, son i aigo goassege luottet ja goassege guottet du oktonassi; dastgo son dietta ila burist atte don ik sate goit ječad famoin ollet alme uvsu oudi.

Mon havske dadde vagjolet Hærra audogas særvevuoda siste jos joge i buok aigid garta gæpasen oažžai ja dam boares adamlaš lunddoi. Almaka læ dat ollo buoreb biettalet oanekaš boddaš suddo fallujumid, mailme gæotallamid ja oaže h'imoid, diedededin vissaset atte dat hærvvas audogasvuotta i noga goassege.

Ja Jesus aiggo addet famo ja armo baivalažat juokke apetes vagjolægjai, gutte aivestassi rokkadalla dam ja luotta su likkadmættom loppadusai ala. „Mutto dak, gudek vurdek Hærra maŋnai, ožžok odda famo“. Es. 40, 31.

Go Hærra læ ožžom oapatet dudnji ječas gæino dævvaset ja don illodak dast atte vagjolet dam mielde, de galgga duina mannat alo burist; „dastgo buok dingak garttek sigjidi buorren, gudek rakistek Ibmelest“.

Hærra gæino loapast gavdnu divras davver, mi i billašuva goassege, davver mi læ vurkkijuvvum almin dudnji.

Læge damditi oskaldas gidda jabmen ragjai, vai don oažok ællemkruvno.

H. O.

„Mu arbmo læ dudnji galle“.

(2 Kor. 12, 9).

Vuoi, Ibmel, buok armo ja jedditusa Ibmel, væket mu gavdnat armo du muodoi oudast! — dat læ obba oaivveoasse mu adnomest. Dastgo du arbmo læ bagjelmæralaš galle dævdet buok mu darbašvuoda.

Jos mon ain gæčcaluvvum ja vaddesvuodak cæggajek birra buok, gosa mon jorgetam ječčam, ja jos mon vela galgam vagjolet čada jabmem suoivvanlæge, de læ du arbmo mu mielde ja mon im berre ballat maidege bahast. Dat læ mu apasmattujubme, mu radde, mu bæleštæbme, famolebbo go buok vašalažak, visasetbo go buok visak. Dat læ duottavuoda almostus, dat doalvo dai rivtes balggai ala; dal bassendakka vaimo; dat læ jedditus atestusa siste; dat eritvaldda buok balo ja morraš; dat oudanvæketa ibmelbalo ja ibmeluottem; alma dam ællemadde famotaga šaddašim mon farga dego dat šaddotes oakse, mi læ mieskam, ja eritčuppjuvvum ællemmuorast, dokkalaš dušše balkkestuvvut dolli.

Adde dalle don, buok vaibmoladešvuoda ačče, atte du arbmo læ ja bisso mu lutte alelassi ja asata mu siste duotta aibašæme, buolle halo odasmattujume maŋnai du ibmelvuoda govast mu siste.

Ja don, Ibmel labbes, don gutte dagak dam vaivaša vuoinast riggesen buorrevutti, ja dam, gutte

læ rigges buorrevutti, vaivasen vuoinast, vuoi, boade ja njeja sisa mu sielo sisa, dævde dam čuovggasin ja jedditusain du lakkaorrom bokte, atte dat i goika ja hægjonuva buok dam galmasvuoda ja sœvdnjadasa sisa, mi gulla dam jorralusa dillai!

Osko vuoddo — osko šaddo.

Mist læ stuora vuoiggadvuotta gitosi, dainago Kristusa lonastusa-duogje min oudast, su soavatægje jabmem ja vanhurskesendakkujubme armost alma lagadagai taga læ dai manemus jagid nuft čielgaset ouddandolljuvvum buok evangelistalaš doaimatusain. Morašlaš sielok čajetuvvujek dal Jesus lusa ja æi nuftgo ouddal ječasek strevijubmai, rokkusidi ja dovdoidi, mutto atte Jesusest vuostaivalddet suddoi andagassi addujume ja rafhe Ibmelin fria.

Dast læ dal rivtes vuoddo min rafhai. „Gæča Jesusa sarjidi, viellja Martin!“ celki Staupitz Lutheri; „dast don oainak maggar dovdoid Ibmel suitta du bagjel“.

„Vanhurskesen dakkujuvvu osko bokte læ mist rafhe Ibmelin min Hærramek Jesus Kristus bokte“. Dat værssa čujota dam oudaboldečuožžo sanidi, mak sistdolek vuoddodusa vanhurskesen dakkujubmai: „Son gutte šaddai addujuvvut min bagjelduolbmami oudast ja bajasčuožželuvvut min vanhurskesendakkujubmen“. Dam oskop mi ollaset ja čavgga atte læ dat duotta evangelium.

Mutto nuftgo dovle ædnagak bigje dam siskeb duodaštusa vuoddodussan sin oskoi, læ dal ollok alggam duodaštet æra lakai, si hægjondakkek dam siskeb duodaštusa mavsolašvuoda nuftgo šaddo oskost dam fria armo ala. Damditi læ darbašlaš avčotet atte occat vuoina duodaštusa nuftgo osko bævtalaš šaddo.

Paulus ouddandoalla Galaterbrœvast dam guovtegarddasaš ællem dai sanigium: „Buokak lepet di Ibmel manak osko bokte Jesus Kristus ala“. „Ja dainago di lepet barnek, læ Ibmel šaddim su barnes vuoina din vaimoidi, mi čuorv-

vo: Abba, ačče!“ Gal. 3, 24; 4, 6. (Gordon).

Ibmel manaid hærvasendakkujubme.

Mi ællep dal dam manemus aige siste — rastamannujubme. Dai beivid dovdujumek læ dapa-tusak juoga harves dingain. Atestusai dafhost satta šaddat jogo suorgganæbme daihe bagjelmæralaš oagjebasvuotta. Mangas ellek dal sin „dallagæčçalume“.

Guokte dinga dæivvap mi dam aige: moraš ælatusa daihe bagjelmæralašvuoda manjai.

Soabmasak doivvuk atte antikristus vuost berre boattet, mutto dat boatta æska manjelgo Jesus læ viežžam su moarsses.

Evangelium i galga vuost sardneduvvut ješgæsage, mutto duodaštissan buok albmuigi. Mi læp damditi lagabut dam bæive, go Jesus satta boattet goasikkenassi. Mi herrp doallat buok dingaid ordnegest. Dat læ duodalaš dovddodakko.

Man lakai sattek Ibmel olbmuk väketuvvut bagjel dai vadesvuodaid? Dal læ ædnagak oaddamen gæino alde. Go didolašvuotta ja goanstalašvuotta valdujuvvu dam baha balvvalussi, de šadda hirmos.

Dat mi väketi Jesus, læi illo, mi sust læi oudabælde. Dat galgga väketet maidai minge. Jorggalekop mi dalle gæčastaga sida guvllui ja illodekop daggobokte. Buok læ sust ja sudnji. Buok min agjagak læ su siste.

Jesusest læi siskaldas hærvasvuotta, mutto dat læi čikkujuvvum su vuoledæme siste (Joh. 1). Jesus læ min stuora ouddamitto. Son læ hærvasemus migjidi dast gosa son læ ænemusat givseduvvum. Son læ čabbasemus Golgata alde. Dast čuožoi su ædne. ja man lakka i orrom sudnji jurdašet: Vuoi, atte son galgai jabmet dam lakai.

Mi cælkkep damditi: Don ik læk goassege nuft hærvaslaš, go aido dalle go don hœnggak nuftgo min suddoguodde.

Ouddalgo son vuolgga dabe erit, gæčča son dorvvodievvaset bajas su aččasis ja cœlkka: „Ačče, mon datam atte si, gæi don læk addam munji, galggek oaidnet mu hærvasvuoda“.

Go mi læp šaddam Ibmel mannan osko bokte Jesus ala, de bigjujuvvu juoga odde min sisa — juoga mi læ mæreduvvum atte almostuvvut suina hærvasvuodast. Jesus sardno dam birra atte son læ hærvasendakkujuvvum min siste. Mattajegji gaskast gavdnujegje vaillevuodak, ja dat orro læme heivvedmættos, atte su legje Jesusa hærvasendakkujuvvumak. Mutto dalle læi son oapatam sigjidi stuora ja čiegnales duottavuoda.

Dat mi hette hærvasendakkujume, fertte dušsenbolddujuvvut: dat fastevuotta galgga dušsendakkujuvvut. Vaiko don læžak heitog, de læ Jesus du siste hærvasendakkujuvvum almake. Dam imæelke mon divodam diti hægjuvuoda, mutto jeddim diti. Dam finasemus du siste i oaine oktage. Go don manak Ibmel lusa ja oažok du ašidat ordnujuvvut, de læ dat juoga fines, mutto arak æi oaine dam.

Romalažai 8. kapital sardno dam birra atte dak vanhurskesendakkujuvvumak maidai læ hærvasendakkujuvvum. Dam stuora bæive šaddak don imaštuvvut dastgo gonagasak ja oaivvamnžak ožžuk du oaidnet finesen, jos Ibmel oažžo dabe lagedet su gæinos duina Ibmel hærvasvuotta galgga nubbastuttet min Kristusa buorrehaissamen juokke sajest. Don šaddak okta hærvarassemi haisok burist Jesusi.

Stefanus læi okta suonjardægje siello. Du hærvasendakkujumad bokte galgak don gæsofet du birračuožžoid Ibmel lusa. Ibmel olbmuk dai stuoremus gillamušai siste šadda ænemusat hærvasendakkujuvvut. Paulus i læm goassege nuft fines go aido dalle go son gillai evangelium diti. Hans Nilsen Hauge læi stuores, go son čokkai giddagasast. Dalle suonjardi Jesus hærvasemusen su ouddi.

Pietar sardno oanekaš gillamuša birra. Dam aige læi ollo gillamuš. Ædnagak læ rumašlaš dile buristinannam diti boattam vaddesvuodai sisa; si giddanaddek ja gillajek vahaga sin sielosek dafhost. Dat šadda gillamuš, dastgo dat ællem, mi læ olgusmannam Ibmolest, fertte fast ruoktot, jos dat galga šaddat vuoinadus silloi. Dak oskolažak darbašek čongganet oktasažat rokkadussi dam harrai.

Moft šaddap mi, go mi šaddap hærvasendakkujuvut?

Don læk vagjolam vuoto rikast Jesusin ollo gerdid, ja don læk gavdnam su čabbesen, nuft atte don læk vissa datolaš vagiolet čada helvet oážžom diti læt særvalagai suina.

Son galgga boattet ja viežžat su rakkasides. Dak jabmek Kristus siste galggek vuost bajasčuozželet, ja mi galggap nubbastuvvut. Dak ærak æi galga bajasčuozželet ouddalgo duhat jage mannel.

Don galgak nubbastuvvut ođđa, vigetes olmučen. Dam bæive mi galggap lavllot likasalma bagjel boares Adam; mon læm ain særvevuodast suina, mutto dalle læ dat loappam.

Almostusa 21. kapitalest lokkap mi atte gavpugest læ Ibmel hærvasvuotta. Ibmel assa hærvasvuoda gavpugest.

Don galgak oaidnet dam hærvasendakkujuvvum bæste dam hærvasendakkujuvvum ædnam alde hærvasendakkujuvvum rubmašin. Ja mi maidai galggap šaddat su lakasažžan, aido nuftgo son ješ læ.

Hærvas hærvasvuotta!

Duššefal.

Duššefal okta bæivasšuoñjardak! Mutto almake čuvgodatti dat dam avdem guovlo ja illodatti marga morlaš vaimo.

Duššefal okta bieggabosotak! Mutto almake sati dat apasmattet dam bivastuvvum gallo.

Duššefal okta bačča ja suttos gæčastak! Mutto dat dagai mana vaibmoi baha ja devdi dam čalme gadnjali-guim.

Duššefal okta ustebmættom sadne! Mutto dat hovti værranattem ja baččavuoda ja dagai atte bæive doaimatus gartai lossaden.

Duššefal okta movtidatte, rakislaš

sadne, dušše okta! Mutto dat ælas-katti dam nogadægje apasmattujume ja suppi ođđa čuovga dam sevnjudattuvvum milli.

Miššon-sagak.

Miššona stuora dakko. Kina 2033 gavpugin, maina læ sainek birra, læk ain 1557 sistasse miššonera taga. Ædnag duhatak uceeb gavpugak æi suite vela evangeliumčuovga.

Obba Kinai darbašuvvujek 10,000 miššonera, jos dat galgga dassasažat olatuvvut okta daina juokke 25,000 sistasse ala.

Jagest 1887 šaddai dat vuostas kristalaš særvegodde asatuvvut Pinglu ænaoassai Kinast gudain mielidelattoin. Gavce jage garra doaimatusa mannel læi mielidelattoi lokko lassanam čuottai; dam mannel gavce jagest viđa čuottai. Jagest 1912 læi lokko ollim guovte duhati; daina legje 500 sisaboattam dima jagest.

Amerika ovtastattuvvum staitain gavdnujek arvo mielde 25 miljon manak, gæina duššefal bælleoasse oaputuvvujek sodnabæiveskuvlain.

Kinamiššonsærve aiggo čakči saddit golbma ođđa miššonera Kinai, guokte olbma ja ovta nišson. Dat læ oaveldak atte ođđa olgussadagak galggek vihatuvvut dam čavča.

Min ædnam miššondoaimatus. Dam min erinoaniaš vaddes aige boatta maidai miššonbarggo dæivvat ollo vuostehago, i uccemusat min ædnamestge. Maidai sige, guđek oudanguddek Ibmel sane sardnestuolein, alggek — go dat boatta bittai — loktet sin šušme miššonbargo vuostai. Si æi dato mannat ollaset daihe miedetet evangelium gaibbadusaidi dam ašest.

Mutto dat læ buorre muitotet dast maid Jesus çælkka: »Dat gutte i læk mu mielde, son læ mu vuostai, ja dat gutte i čokke muina, son biđe«. Luk. 11, 23.

Damditi berriek buok duotta miššona ustebak dam aige æmbo go goassege ouddal barggat ovtast, čokkit Jesusi, æige biđget su oudast. Miššondoaimatus læ basse ja dat divrassemus ašše maid Ibmel læ armost oskeldam su manaidasas ædnam alde. Ja son gaibbed mist atte mi oaffaruššap min apid ja talentaid miššona hærvas balvvalussi, ja i ge cuorgganet

ja movtatuvvat juokke »vuostebieggabosost«.

Dat gutte ješ bæittelebbo čuovgast læ ožžom oaidnet ječas nuftgo vaivan, suopates suddolaš, gutte i sate rabmot ærast go Ibmel armost, ja nuft læ vuostaivalddam bestujume Jesus vara siste — son i sate i ge aigo čiekkat dam ovta bælest hirnos mutto nubbe bælest likkolaš dile su mieldeguimides oudast. Juokke Ibmel manna berriši muittet atte æra suddolaža siello læ sæmma divras Jesus čalmest go su ječas.

Mađe æmbo sielok šaddek saggajuvvut albmai, dađe stuorebun goargno illo Jesusest ja alme joavkost.

Ibmel væketikus min armost atte i oktage mist, guđek dovdestep ječamek Ibmel mannan, čuožo hettitussan miššonbargo harrai ja biđgep dam sagjai go mi galggašimek čokkit Jesusi.

Jurdašekop dam aše æmbo duoda-lážat!

H. O.

Dam vides mailmest.

Odda buollem.

Fredrikstad gavpugest læ fast dæivvam ođđa buollem. Dam have læ vanasrakadamfabrika vuolasbuollem.

Ollo soattelagak.

Tuisklanda læ asatam soade vuolde 8400 soattelaga, mak læ olgusaddujuvvum prentan. Dasa vela læ sierranassi olgusboattam 33,000 gieloslagak

Dat ođđa tuiska

olgussaddag læ namatuvvum Norgi. Su namma læ Mutius.

Stuora vahag.

Amerikalinja dampa »Drømmensfjord« mielde botte gieskad ollo divras ja burist darbašatte galvok Amerikast min ædnami. Mutto go damppe læi orromen hammanest, de cakkanegji galvok, nuft atte gaskal 1500—2000 sæka nisojafok ja ollo æra galvok billašuvve.

Likkolaš vuoittek.

Čieča olbma Drammen papirmillost læ vuoitam særvalagai 25,000 kruvna rattalotteriast, mist læ njællja gæsser jakkasažat. 25,000 kruvna læ

balleoasse dam stuoremus lodseddalest, mi læ ruttalotteriast.

Rafferokkusak.

Sodnabaive 18. august dollujegje min ædnam girkein rafferokkusak sardnestuoloin, gost papak ouddandolle rokkusid rafhe-savvam hõrrai.

Gonagas Haakon

doalai 24. august 25 jagejubilaum naftgo mærraoffisera.

Ruošsa læ

dam aige smavvaset alggam gavpašet Sin ædnam, erinoamaš saiddegulin. Sæmmast ferttijek ruoša gavpašægje skipak buktet galvoid mieldesek, muđoi si æi oažo oastet gulid.

Mutto dal bæggota tuiskalaš alget hettit gavpasæme gaskal Sameædnam bivddid, gavppeolbmaid ja ruoša oastid.

Schweizast

læ boeidam odđa davddasortta, æreb spænskadavda, mi juo hærijeda dobbe sagga. Dat odđa davdda læ hui varalaš. Dak guđek doppitallek dast, jabmek juo 1—2 dimo gačest. Dai jabmi likak saddek jogo čappad daihe fiskad ivnest.

Akkedes likkotesvuotta.

Okta lokalrutadamma, »Mosfjord« Bergen lakkasin, læ gieskad mannam coakkas ala. Dampa mielde legje 180 olbmu čuovvamen, ænaš oasse ruoktotinacce feriejegjek. Ollo olbmuk njuikko merri, go gagjomvadásid læi vaddes oažžot vuolasfiet. 11 olbmu hævvanegje.

Damma vuojoi njälja minutast.

Dat tuiska kaisarisson

læ buoccamen, damago son læ vuoime-tuvvam divšodame vuolde sarjadegjid. Kaisar Wilhelm læ ferttim maccat ruoktot æmedes lusa erit soattesajest.

Suddoregistarak.

Okta gavppeolmai Bergenest læ bigjum 4000 kruvna sakkoi, go son læi čiekkam borramušgalvoid. Okta æra fast 8000 kruvni, go son læi værot bajasaddam sturredaga sisaboadost. Goalmad fast læi adnam gas-čuovga, vaiko dat læi garraset gilddujuvvum. Son oažoi dam oudast 5000 kruvna sak.

Okta rigges olmai Kristianiast læ lobetaga daihe var ot ædnam ruđaid 56,000 kruvna ouddi.

Okta æigad muttom stuora bældo bagjel Jarlsbergast læ dieđetuvvum politiai, go son læi vuovddam 4000 kilo gornid ja olles hivvodaga potetosid ja ayjid, mak gulle gielda provianterim-raadi.

Okta nuora dalobuoigge Skien lakkasin læ ožžom 2000 kruvna sako. Son læi ruoktotdoallam odđajage rašonerimlogo aige 13—14 sæka nisojafoid ja 15 kilo gafid.

Dat sæmma olmai læi lignijuvvum 600,000 kruvna obmudaga ja 30,000 kruvna sisaboado mielde.

Mailme-soatte.

Dat stuora slaga.

Dak alliertak dakkek ain oudastmannam oarjelaš soattesajest. Si læk valddam ollo smavagavpugid ruoktot ja ollo kvadratkilometarid dam franska-laš ænamest.

Tapak dieđostge læk stuora goabbaše balest, mutto ænemusat læ tuiskalaš gillam.

18. juli rajest august mano loppi læ dak alliertak læt valddam 100,000 fangaid, æreb madotes ollo soattebierggasid ja manga čuođe kanonnaid.

Čenaš vuoto læ dakkam franska-olbmak — dieđostge, mutto maidai engelasolbmak sattek čajetet stuora vuoto — ja ollo fangaid.

Tuiskalaš orro dal læme orstattemen mañastmannam — goit læ alggam sagga vuostalastet dai alliertai fallitæme.

Stuora illo dieđostge Frankrikast ja Englandast dai mañemuš vuotoi bagjel.

Amerika soatte.

Boatte jakkai galgga Amerika læt suvddam 3 — golvma — miljon olbma Frankriki. Ja jos dat darbašuvvu, de sattek Amerika ovtastattujuvvum statak asatet nuft stuora soattevæga atte dat olle 24 miljon ragjai lokkoi.

Nuft i oro Amerika aiggomen jakkat soade vuost loappat jakka goit ain bistet dam golvma jage.

Aibmosoatte.

Dai alliertai aibmogirddek læ dam

mañeb aige alggam davjebut oappaladdat soabmasid daina tuiska gavpugin, erinoamaš Köln, Frankfurt j. n. v. ja bombarderim daid.

Mutto i tuiskalašge sæste oappaladdamest Paris gavpug ja bombarderit dam.

Mæravnolesoatte.

Okta boares franska soatteskipa læ vuojotuvvum Atlanterest. 13 olbma hævvanegje. Maidai okta franska soaldatfievredægje dampa læ vuojotuvvum. 102 olbmak galggek læt gagjujuvum.

Okta amerikanalaš passašerdampa læ gagjom 11 darolaš mærraolbma, guđek 11 jandur legje rievddam ucca rabas vadnasest Atlanterabest ollo gillamušai siste. Vanas læi gobmanam 4 gærde dam aigest. Olbmuk legje ferttim gillat 9 jandur nælge, dušše vigge borrat dobbuid ja jukkat mæračace. Borramuša ja æra galvoid legje si buok massam.

Okta daro borjasskipa balatuvvu vuojotuvvum Nordsjøenest. Okta gagjomvanas læ ollim Englandi; man siste legje 4 sarjaduvvum olbma, mutto 10 æra balatuvvujek hævvanam.

Borjasskipa namma læi »Friga«.

Muđoi læ ain moadde æra darolaš dampa vuojotuvvum, mutto olbmuk galggek læt gagjujuvum.

Čermakbæska,

ođas ja stuores, vuvddujuvvu must, kr. 32.—.

Matta saddijuvvut postopkrav vuosta.

S. A. Samuelson,
Smalfjord, Tana.

Girjek vuovddet.

Samegiel bibalak ja samegiel odđa testamentak David salmaiguin læk vuovddemest.

Hadde bibalin læ 3 kruvna bittast. Porto 80 evre, oktibuok kr. 3,80. Odđa testamentak maksek 1 kruvna bitta. Porto 80 evre, oktibuok kr. 1,80.

David Salmak sierranassi læk maidai vuovddemest. Hadde daina læ 50 evre. Porto 50 evre, oktibuok kr. 1,00.

„Nuorttanaste“ ekspedition,
Korsfjorden, Alten.

Prenttejuvum »Nuorttanaste« prentimrakkanusast, Korsfjord'ast.